



TOLEO NAMBA 110 | SEPTEMBER 14, 2021

WEKENI MALENGO KUKAMILISHA KAZI MLIYOPEWA



Mkurugenzi Mtendaji wa SUMAJKT Brigedia Jenerali Absolomon Shausi (wapili kutoka kushoto) akikagua eneo la mafunzo kwa vitendo katika maabara mtambuka ya chuo hicho inayojengwa na SUMAJKT.

WEKENI MALENGO KUKAMILISHA KAZI MLIYOPEWA



Pichani ni jengo la maabara mtambuka katika Chuo Kikuu cha kilimo Sokoine linalojengwa na SUMAJKT.

Mkurugenzi Mtendaji wa Shirika la Uzalishaji Mali la Jeshi la Kujenga Taifa (SUMAJKT) Brigedia Jenerali Absolomon Lyanga Shausi, amewaagiza watendaji wa ujenzi wa jengo la maabara Mtambuka la Chuo Kikuu cha Sokoine (SUA) kufanyakazi kwa malengo ili kukamilisha kazi kwa wakati.

Brigedia Jenerali Absolomon Shausi, amezungumza hayo leo tarehe 14 Septemba 2021 alipofanya ziara katika ujenzi wa maabara hiyo iliyopo mkoani Morogoro.

Akizungumza na watendaji wa SUMAJKT kwenye mradi huo Brigedia Jenerali Shausi, alisema kuwa ili kuweza kufanikiwa kufanya kazi kwa wakati ni lazima kuwepo na ushirikiano.

Aidha, Mkurugenzi Mtendaji wa SUMAJKT Brigedia Jenerali Absolomon Shausi, amewasisitiza watendaji hao kufuata utaratibu wa kazi kila mtu kuwajibika katika nafasi yake.

Baada ya kikao hicho Brigedia Jenerali Absolomon Shausi, alimtembelea Mkuu wa Chuo Kikuu cha kilimo Sokoine (SUA) Profesa Raphael Chibuda, ili kujua maendeleo ya ujenzi wa maabara hiyo.

Profesa Raphael Chibuda, ameeleza maendeleo ya ujenzi yamefikia hatua nzuri, ila siku za mbele SUMAJKT inatakiwa kuwa mkombozi wa Taifa katika suala la ujenzi.

"SUA tunanafasi kubwa ya kushirikiana na SUMAJKT" alisema Profesa Chibuda.

Matukio Katika Picha



Mkurugenzi Mtendaji wa SUMAJKT Brigedia Jenerali Absolomon Lyanga Shausi, akisaini kitabu cha wageni alipowasili kwenye eneo la ujenzi wa maabara mtambuka Chuo Kikuu cha Sokoine mkoani Morogoro.



Mkurugenzi Mtendaji wa SUMAJKT Brigedia Jenerali Absolomon Shausi, akipokea mawasiliano kutoka kwa mkuu wa Chuo cha SUA Profesa Raphael Chibuda, alipomtembelea ofisini kwake mkoani Morogoro .



Hili ni Eneo la mafunzo kwa vitendo kwa wanafunzi wa Chuo Kikuu cha Kilimo Sokoine (SUA).



Mkurugenzi Mtendaji wa SUMAJKT Brigedia Jenerali Absolomon Shausi (kushoto) akiagana na mkuu wa Chuo Kikuu cha kilimo Sokoine(SUA) Profesa Raphael Chibuda, nje ya jengo la chuo hicho.